

IIB MA GALO

FAAFINTA RASMIIGA AH

الرسمي

الجريدة



Jannadka 13aad Muqdisho 30ka Nofember 1985 L. 1 R. 12

ANFAAFINTA RASMIIGA SOOMAALIYA

جمهوريّة الصومال الديمقراطية

جريدة شهريّة

QIMADU waa 5 shilin lambar waliba. — RUKUNKA: Sana-dii waa Sh. 100 Soomaaliya gudeheeda - dibaddedana waa Shs. 300. Rubunka la weydiisto waqtiga loo gooyey wuxuu ka bilabmaa i Janaayo. Qiimaha qortitaanku F. R. halkii sadar iyo waxii ka yar waa 2 laba Sh. Rukunka iyo qoritaanku waxaa la weydiistaa Laanta Maamulka Faafinta Rasmiga ah Lacagta waxaa lagu bixinayaa Xafiiska Canshuuraha ee Wasaaradda Lacagta.

K O O B N I I N

QAYBTA

KOWAAD

SHARCI

SHARCI L. 22, taartikh 2 Nof. 1985, Dhis-maha Rugta Ganacsiga, Warshadaha Bog; 728
Beeraha, Xoolaha, Kalluumeysiga iyo Farshaxanka.

QAYBTA

LABAAD

XEER

XEER MADAXWEYNAHA J.D.S. L. 39 » 746
ee 20 Sebt. 1985, Billad Maamuus ee Kiddigta Soomaaliyeed «Cavaliere di Grand Stella» oo lagu Maamuusay S. E. ON. Bettino Craxi.

XEER MADAXWEYNAHA J.D.S. L. 40 ee » 747
9 Nof. 1985, Billad Qalin ah oo Wad-daninimo oo lagu Maamuusay L/X/le Cusmaan Yuusuf.

Wakaaliad la Madbaacadda Qaranka

XEER MADAXWEYNAHA JDS,	L. 41 ee 14 Nof. 1985, Magacaabid Guddiga ku-meel gaarka ee Rugta Ganacsiga.	»	748
QAYBTA	SADDEXAAD		
TALOOYIN ISGAARSIIN OGEYSIIS IWM			
MAXKAMADDA G. BANAADIR,	5.11.85, Lumid Jeeg. War. L. 535546 ku qoran Cabdullaahi Aadan Xayle L. 484	»	749
MAXKAMADDA G. BAYDHABO,	12.9.85, Lumid Buug Kayd L. 4607 ku qoran Cambaro Cismaan Axmed L. 485	»	750
MAXKAMADDA G. TOGDHEER.	18.11.85, Lumid 5 Jeeg Wareega ku qoran Cu- mar Buraale Axmed L. 486	»	751
MAXKAMADDA G. BANAADIR,	19.11.85, Lumid Jeeg. War. L. B0141310 ku qo- ran Xaliimo Maxamed Cali L. 487	»	752
MAXKAMADDA G. BANAADIR,	19.11.85, Lumid Jeeg. War. L. 684557 ku qoran Xaliimo Maxamed Cali L. 488	»	753
MAXKAMADDA G. BANAADIR,	21.11.85, Lumid Buug Kayd L. 22367 ku qoran Xasan Cali Faarax L. 489	»	754
MAXKAMADDA G. HARGEYSA,	25.8.85, Lumid Jeeg. War. L. 400779 ku qoran Caasha Maxamed Cawad L. 490	»	755
MAXKAMADDA G. BANAADIR,	26.11.85, Lumid Jeeg. War. L. 634153 ku qoran Xaawo Askar Cige L. 491	»	756
MAXKAMADDA G. TOGDHEER,	9.11.85, Lumid Jeeg. War. L. 0093745 ku qoran Axmed Maxamuud Nuur L. 492	»	757

SHARCI lambar 22 taariikh 2 Nof. 1985 Dhismaha
Rugta Ganacsiga, Warshadaha Beeraha, Xoolaha, Kal-
luumeysiga iyo Farshaxanka.

MADAXWEYNAHA JDS

ISAGOO TIXGELINAAYA: Oggolaashaha Guddiga
Joogtada ah ee Golaha Shacbiga,

WUXUU SOO SAARAYAA

Sharciga Sooo Socda:

XUBINTA KOOWAAD

DHISMAHA RUGTA IYO UJEEDDOOYINKEEDA

Qodobka 1aad

Dhismaha

1. Waxaa la dhisay Rugta Ganacsiga, Warshada ha, Beeraha, Xoolaha, Kalluumey siga iyo Farshaxanka oo hadda wixii ka dambeeyaa loogu yeeri doono Rugta.
2. Rugtu waa hay'ad leh shakhsiyad qaunuuni ah
3. Xarunta Rugtu waa Muqdisho, waxayna laamo ku yeelan kartaa magaaloo yinka kale oo Dalka.

Qodobka 2aad

UJTEDDOOYINKA RUGTA

Ujeeddooyinka Rugtu waxay yihin kuwa soo socda:

- a) Masilaadda iyo ilaalinta danaha ganacsatada, Warshadleyda, beeraleyda, Xoolaleyda, Kalluumey sata da iyo farshaxanleyda iyo horumarinta dhaqdhaqaa qooda ganacsi iyo dhaqaale.
- b) Ururinta isku duwidda iyo baafinta dhamaan wararka, tiimaamaha iyo tirokoobyada khuseeya ganacsiga, warshadaha, beeraha, xoolaha, kalluumey siga iyo farshaxanka.
- c) Keydinta iyo diiwaangelinta ganacsatada, war shadleyda, beeraleyda, xoolaleyda, kalluumey satada iyo farshaxanleyda, iyadoo u kala saaraysa isuguna duweysa noocyada xirfadahooda.
- d) Taadinta iyo ururinta qaabka ganacsi ee dalka

J.D.S. Iyo Dalka kale ee Adduunka.

x) Ururinta iyo kerdinta samballada badzeccoyin ka (campionario) ee taameeya dbeelinta iyo kooniida

kh) Dersidda mashaakilka ganacsii ce dalka, iya deo la kaashanaya guddi gear ahaanred co ka kooban aqooniyahanno ku xeel d'cer arrimaha la baaravo.

d) Dhiirrigelinta dhaqdhaacaq kasta oo waxtar u leh horumarinta dhaqaalaha ee Dalka.

r) qabangaabinta carwooyinka dalka iyo ka qaybgalka carwooyinka dibadda.

s) dejinta buugga (aiqa) maamuuuyaasha, habeenita hawlahaa xecidheeryaasha (perito) ganacsiga, walsiadaha beeraha, xoolaha, katuumeysiiga iyo sursharkanka qiimeeyayaasha iyo doollaaleyda keynada buugg-dhoofiyayaasha iyo xulayaasha.

kh) oabanqaabinta marka oggolaasho laga helo hay'adaha ay khuseyso ergooyinka ka qaybzalaya fadiyada iyo shirarka caalamiga ah ee looge doeddayo arrimaha ay Rugtu u xil saaran tahay.

dh) qabangaabinta suuqyo ganacsii.

c) La bahoobidda Ruguba garaesiga caalamiga, marka dan loo arko.

Qodobka 3aad
Shahaaddo Bixin

1. Rugtu waxay qabanaysaa, marka laga codsaqo hawlahaa soo socda:

a) soo saaridda shahaaddooyinka (certificati) fil magmaya badeecaddu dalka ay ka timid jinsiyadda dhoofiyayaasha, ascaarta iyo shahaaddooyinka kale ee Wasiirka Warshadaha iyo Ganacsigu uu ogolizado.

b) Sugidda (autantifrasiona) daqiliada laga saameeyo qoraallada ku xafdan xariiyada Rugta.

t) sugidda qaansheegtooyinka (fatigue) badeecaha, hubsaasho kaddib.

2. Khidmadda Rugta ay ku leedahay shahaadooyinka iyo hawlahaa kale oo ay qabato, kuna tilmaaman qod obkan waxaa xaddiuaya Golaha gud, isagoo dhegeys tay scoojeedinta guudiga maamulka ee Rugta.

Qodobka 4aad
Dhexdhedaad

1. Rugtu waxay dhisaysaa guddiyo dhexdhedaad oo xaliya isqabadyada la xiriira ganacsiga, warshaha, beeraha, xoolaha, kalluumeysga oo farshaxan ka oo ay u scoo gudbiyaan dhinacyada isqabadku uu khuseeyo.—

2. Xubnaha Guddiyada dhexdhedaadinta ugu yaaraan mid ka mid ah waa inuu noqdaa xubin ka tirsan Guudiga Masuulka ee Rugta.

Qodobka 5aad
Xiriirka Rugta

1. Rugtu waxay la xiriiri kartaa rugaha kale ee Adduunka iyadoo weydiisaneysa wargelin ku saabsan hawlahaa ay u xilsaaran tahay.

2. Isla ujeeddadaas waxay ula xiriiri kartaa hay adaha Dawladda.

3. Hay'adaha dawladda waxaa ku waajib ah in ay u gudbiyaan Rugta xogwarranka iyo wargelinta la wey diistay, haddii ayan ka hor imaancynin shuruucda iyo xeerarka Dalka.—

XUBINTA LABAAD
XUBINNIMADA IYO MAAREEYN TA RUGTA

Qodobka 6aad
Xubinnimada Rugta

1. Waxaa xubin ka noqon kara Rugta qof kasta oo ruqsad u haysta hawlo ganaesi, warshadeed, beereed xoolaad, kalluumeysi iyo farshaxaneed oo diiwaangashan, bixiyeyna dhigaalka Rugta.

2. Sidoo kale waxaa xubin ka noqon kara Rugta,

qof kasta oo qaunuuni ah ee hawlaha faqradda hore ku tilmaaman qabta.—

3. Qofkii doonaya inuu xubin ka noqdo Rugta wuxuu soo qoranayaa codsi qoraal ah oo ku lifaaqan caddeyn muujineysa buuxinta shuruudaha ku tilmaaman faqradda hore ee qodobkan.—

Qodobka 7aad
Maareeynta Rugta

Maareeyaha Rugta waxaa leh xubnaha soo socda:

1. Golaha Guud ee ganacsatada warshadleyda, beeraleyda, xoolaleyda, kalluumeysatada iyo far/yda.

2. Guddiga Maamulká:

3. Guddoomiyaha Guddiga Maamulka iyo

4. Ururada Ganacsiga, Warshadaha, Beeraha, Xoolaha, Kalluumeysiga iyo farshaxanka oo qaabka dhismahooda iyo hawlahooda lagu tilmaami doono Xee rhcosaadka.—

Qodobka 8aad
Xilka Golaha Guud

1. Golaha guud wuxuu ka kooban yahay dhammaan xubnaha Rugta ee oofiya shuruudaha sharcigan ku tilmaaman.—

2. Golaha Guud waa hay'adda ugu sarreysa hoggaaminta Rugta wuxuuna qabtaa, hawlaha kale ee sharcigan ku qeexan ka sokow, kuwa soo socda:

- a) Dejinta Siyaasadda Guud ee Rugta.
- b) Oggolaashaha Miisaaniyadda ku talo galka.
- c) Oggolaashaha Miisaaniyadda Xisaabxirka.
- d) Doorashada xubnaha Guddiga Maamulka.
- e) Magacaabidda Hantidhowrayaasha Rugta.

kh) Oggolaashaha warbixin sannadeedka Guddiga Maamulka iyo midda hantidhowrayaasha Rugta.

d) Go'aan ka gaaridda arrimaha kale ee ku soo kordha.—

Qodobka 9aad

Shirka Golaha

1. Golaha Guud wuxuu yeelanaayaa sannadkiiba hal fadhi oo caadi ah waxaana isugu yeeraya guddoomiyaha Guddiga Maamulka ee Rugta.

2. Fadhiga Golaha Guud wuxuu ku ansaxayaa markay ka soo qayb galaan aqlabiyyadda xubnaha Rugta

3. Haddii shirkaasi ugu horreeya la heli waayo aqlabiyyaddaas fadhiga waxaa dib loo dhigayaā 15 maqal mood. Fadhiga dambe wuxuu ku ansaxayaa tirada ka soo qayb gasha.—

4. Go'aanada Golaha Guud waxay ku ansaxayan aqlabiyyadda inta joogta.—

5. Haddii codadku ay isla ekaadaan waxaa la raacayaa dhinaca Guddoomiyahu uu ku cod bixiyey.

6. Golaha Guud waxaa la isugu yeeraya saddex bilood ka hor taariikhda shirka.—

7. Waxaa kaloo qabashada shirka lagu soo qorayaa Faafiata Rasmiga ah ee J. Iyo qalabka warbaahinta dalka ugu yaraan 15 maalmood ka hor taariikhda Sh.

8. Goluhu wuxuu yeelan karaa shir aan caadi aha yñ waxaana isugu yeeri kara Guddiga Maamulka. Sido kale shirka aan caadiga ahayn waxaa codsan kara shan meelood meal xubnaha Rugta iyo wasiirka warsh adaha iyo Ganacsiga.—

9. Warqadda shir ugu yeeridda xubnaha Rugta waxaa lagu lifaaqayaa ajandaha shirka.

10. Golaha Guud waxaa shirgudoomiye u noqonya Guddoomiyaha Guddiga Maamulka ama haddii uu maqan yahay. ku-xigeenkiiisa waxaana xoghaye u noqonaya Xoghayaha Joogtada ah ee Rugta Ganacsiga.

11. Doodaha iyo go'aannada golaha guud waa la diiwaan gelinayaa waxaana wada saxiixaya Guddoomiyaha iyo xoghayaha.—

Qodobka 10aad
Guudiga Maamulka

1. Guddiga Maamulka ee Rugta waa hay audia ka mas culka ah xidqi jinta hinkotooy nka Rugta iyo talinta go'gamada Golaha Guud.—
2. Guddiga Maamulku waxuu ka koobare yahay ee xubnaha oo misala qaybaha kala duwini ee Rugta. Isagoo la dhax dooranaya xubnaha Rugta ee kaqa u leh in ay ka qayb galaan siurka Golaha Guud.
3. Qo'ka xubinta ka noqorxu Guudiga Maamulka waa buuxiyaa shuruucaha soc socda:
 - a) in da'dilis aysan ka yaraan lojano.
 - b) in si lojano wax u qori karo una akhrin karo.
 - c) in cu ka shaqeeeyey, ugu yaraan, hal sano hawl ganacs, warshad beer xoolc. kalluumeysi ama far/xar.
4. Xubnaha Guddiga Maamulku waxay xilka hay nayaan laba sannadood dibna waa loo dooran karaa.
5. Markuu Guddoomiyuhu maqan yahay ama ay ku timaado sabab uu xikiisa ku gudan kari waayo, xilka Guddoomiyenimada waxaa qabanaya Guddoomiye ku xigeenka.—
6. Guddiga Maamulka waxaa xoghaye u noqonaya xoghayaha jcogtada ah ee Rugta.
7. Doodaha iyo go'aannada Guddiga Maamulka waa ja diiwaangelinaya waxaana si wadajir ah u saxiiyaya Guddoomiyaha iyo Xoghayaha.
8. Guddoomiyaha Guddoomiye ku xigeenka iyo xubnaha kale ee Guddiga Maamulka wax lacag ah ku ma qaadanayaan xilkaas hase yeeshhee waxaa loo celi-nayaan kharajyada ay galaan marka ay fulinayaan haw lo la xiriira xilkooda.

Qodobka 11aad

Xilka Guddiga Maamulka

Guddiga Maamulka ee Rugta wuxuu qabanayaa halwaha soo socda:

- a) Fulinta ujeeddooyinka Rugta iyo go'aannada Golaha Guud.
- b) Dersidda Miisaaniyadda ku talo galka inta aana la hordhigin Golaha Guud.
- c) Oggolaashaha Miisaaniyadda xisaabxirka, isagoo dhegeystay warbixinta hantidhowrayasha Rugta.

Qodobka 12aad

Fadhiyada Guddiga Maamulka Rugta

1. Guddiga Maamulku waa in uu bishiiba hal markulmaa.—
2. Fadhiga Guddiga Maamulku wuxuu ansaxiyaa marka ay ka soo qayb galaan aqlabiyyadda xubnaha Guddiga go'aannaduna waxa ay ku ansaxayaan cod hal dheeri ah.—
3. Haddii ay bannaanaato jagada xubin ka mid ah xubnaha Guddiga Maamulka, isla Guddiga ayaa magacaabaya beddelkiisa, isagoo kadhex xulanaya xubnaha Rugta ee leh shuruudaha xubinnimada.
4. Magacaabiddan waxaa loo bandhigayaa Golaha Guud, fadhiyiisa ugu horreeya, si uu ansixiyo ama uu u doorto xubin kale. Xubinta cusub waxay xilka hayneysaa muddadii u harsanayd qofkii ka harreeyey.
5. Marka saddex meelood meel xubnaha Guddiga Maamulku ay bannaanaadaan, waa in fadhi deg deg ah loogu yeeraa Golaha Guud si loo doorto xubnihii bed deli lahaa.—

Qodobka 13aad

Guddoomiyaha Guddiga Maamulka

Guddoomiyaha Guddiga Maamulku wuxuu mas uul ka yahay fulinta hawlmaalmeedka Rugta gaar ahaan wuxuu qabtaa hawlaha soo socda:

- a) Isugu yeeridda fadhiyada Guddiga Maamulka.
- b) Isugu yeeridda fadhiyada Golaha Guud.
- c) Fulinta Go'aannada Golaha Guud iyo kuwa Guddiga Maamulka.
- d) Kormeerka iyo xaqiijinta haabsami u socodka hawlaha Rugta.
- e) Masilaadda Rugta Maxkamadaha hortooda.
- f) In uu magaca Rugta ku saxiixo ballanqaadyada, isagoo dhowraya shuruudaha shareiga ah.

Qodobka 14aad

xaqa doorashada

1. Waxaa wax dooran kara, lana dooran karaa xubinta Rugta ee diiwaangashan, bixisay dhigaalka ka qaybgalka Rugta, oofisayna shuruudaha kale ee sharci ga iyo xeer hoosaadka ku tilmaaman.

2. Shakhsiyaadka qaanquniga ah, waxaa doorash ada uga qayb galaya qofkii sharci ahaan masila.

Qodobka 15aad

Shuruudaha Doorashada

Lama Dooran karo, waxna ma dooran karo.

- a) Shaqaalaha Rugta.
- b) Shakhsiyaadka uu khilaaf dhexmanay iyaga iyo Rugta.
- c) Qof kasta oo la leh xiriir amase adeeg wax is dhaafsi ama u soo uruuriya Rugta khidmado iyo xuquq kale.
- d) Shikadaha Guddiga Maamulka uu ka reebo ka qaybgalka doorashada, xiriir maamul toos ah amase qandaraas Rugtu ay la gasho awgood.

x) Qof kasta oo horay u soo hayey maamulka Rugta, xagga lacagta, ee aan xisaab celin u soo sameyn.

kh) Qof kasta oo mushaar ama gunno ka qaata ha y'ado ay Rugtu maamusho.

d) Qof kasta oo Rugta u qaameysan welina aan deen bixin.

r) Maamulayaasha Rugta iyo kuwa hay'adaha ku jira ilaalinta Rugta.—

s) Qof kasta oo sharei ahaan laga mamnuucay maa mulka ama laga qaaday awoodda tasaruufka.

sh) Ganacsato musalaftay ilaa iyo inta xaaladda musallifku ay socoto.

dh) Qof kasta oo uu ku dhacō xukun maxkamad eed ee kana dambays ah, ciqaabtu inkastba ha la ekāa tee dambiyada soo socda dartood.

Tuugo, Iibsasho ama dullaalid xoolo là soo xaday ama dambi kale ka yimid kхиyaamo, ku takri falid qayaano, xatooyo xoolo dadweyne been abuur qoraal. isti cmaalid warqad la been abuuray, markhaati fur been ah maxkamad horteed, u heshiin dembi, laaluush, mu sallifid ku talo gal ah.—

Qodobka 16aad

Ka dhicidda Xubinnimada

1. Xubin kasta ee loo doortay Guddiga Maamulka marka ay ka lunto shuruudihii lagu doortay ama ay horay uga maqnaayeen shuruudahaasi, wuxuu ka dha cayaa jagadii loo doortay.

2. Sidoo kale waxaa jagada xubinnimada ka dha caya qofkii saddex goor oo isdabajoog ah. cudur daa la'aan ka maqnaaday fadhiiyada isagoo qoraal loogu digay, haddana mar afraad maqnaaday.

Qodobka 17aad

SHARRAXAADDA XUBINNIMADA

1. Qofka daneynaya in uu ka qayb galo doorashada xubinnimada Guddiga Maamulka ee Rugta, waa in uu isu soo sharraxaa xilkaas, isagoo qoraal ku soo gudbinaya.

2. Musharruxu wuxuu khasnadda Rugta dhigayaan lacag dhan 10.000/. Lacagtaas waxay ka mid noqoneysaa dakhliga Rugta, haddii Musharruxu uu ka tanaasulo tartanka ama uu ku guuleysan waayo doorashada, isagoo helay tiro ka yar tobantoban meel codadka ansaxa ah.

3. Marka ay dood ka timaado sharcinimada doorashada Xubnaha Guddiga Maamulka, waxaa go'aan ka gaaraya Guddi ka kooban Xoghayaha Joogtada ah ee Wasaaradda Warshadaha iyo Ganacsiga, Garsoore ka tirsan Maxkamadda Gobolka iyo laba Xubnood oo Wasiirka Warshadaha iyo Ganacsigu uu ka dhex xulay Xubnaha Rugta.

4. Guddiga faqradda hore ku tilmaaman go'aankisu waa kama dambeys, wuxuuna ku guddoonaanaya cod hal dheeri ah. Haddii codku isla ekaado, waxaa la raacayaa dhinaca Guddoomiyuhu uu u cod biixiyey.

5. Liiska musharrixiinta waxaa lagu dhejinayaa looxa ogeysiiska ee Rugta, 15 maalmood ka hor taariikhda doorashada.

6. Tirada ay ku leedahay Guddiga Maamulka qayb kasta oo ka mid ah qaybaha Rugta, waxaa xaddidayaa Wasiirka Warshadaha iyo Ganacsiga.

Qod. 18aad

Xoghaynta Joogtada ah ee Rugta

1. Rugtu waxay yeelaneysa Xoghaye Joogto ah.
2. Xaghayaha Joogtada ah waxaa magacaabaya Madaxweynaha Jamhuuriyadda Dimoqraadiga Soomaaliya, isagoo dhegeystay soojeedinta Wasiirka Warshadaha iyo Ganacsiga.

Qod. 19aad

Xilka Xoghayaha Joogtada ah

1. Xoghayaha Joogtada ah wuxuu fulinayaa go-aannada Golayaasha iyo wixii tilmaan ah ee ka yimadda Guddoomiyaha Rugta.

2. Gaar ahaan, Xoghayaha Joogtada ah waxaa uu masuul ka yahay xafiisyada Rugta iyo xaqiijinta habsami u fulinta hawlahaa ay qabtaan xafiisyadu. Wuxuu ka qayb galaa fadhiyada Golaha Guud iyo Guddiga Maambulka isagoo Xoghayn ka noqonaya. Wuxuu xaq u leeyahay in uu hadal ka qaato doodaha fadhiyada, hase yeeshie cod ma laha.

3. Xoghayaha Joogtada ah waa Madaxa Shaqaalaha Rugta, isagaana ka masuul ah hawlgelintooda iyo qiimeyntooda.

4. Waxaa kale oo Xoghayaha Joogtada ah diyaarinayaa Ajendayaasha shirka Guddiga Maamulka iyo kan Golaha Guud ee Rugta, isagoo ka tilmaan qaadanaya Guddoomiyaha Rugta..

Qod. 20aad
Shaqaalaha Rugta

1. Rugtu waxay yeelaneysaa shaqaale u gaar ah.
2. Habka magacaabidda iyo dallacaadda Shaqaalaha, mushaarka, gunnooyinka, fasaxyada, anshaxmariinta, go'idda xiriirkha shaqo iyo arrimaha kale ee saameeya Shaqaalaha waxaa go'aaminaya Guddiga Maamulka.
3. Go'aanka faqradda hore ku tilmaaman waxaa lagu meelmarinayaa Xeer uu soo saaro Wasiirka Warshadaha iyo Ganacsigu.

XUBINTA SADDEXAAD

HAWLGALKA RUGTA IYO ILAALINTA HANTIDA

MADAXA KOOWAAD

MAALIYADDA RUGTA

Qod. 21aad

Hantida Rugta

Hantida Rugtu waxa ay ka kooban tahay:

- a) Dhigaalka ka mid noqoshada xubnaha Rugta;
- b) Dhigaal sannadeedka Xubnaha Rugta;
- c) Dakhligaa ka soo gala qoraallada iyo shahaadooyinka Rugtu ay bixiso;
- x) Kaalmada ay Dawladdu u fidiso Rugta, adee..

- gyada guud ay qabato dartood;
- kh) Dakhliga ku soo gala hibo, deeq ama dar-daaran;
- d) Khidmadda ay ku leedahay shatiyada ganacsiga.

Qod. 22aad

Dhigaalka bilowga ah

1. Qof kasta oo xubin ka ah Rugta, wuxuu bixinayaa dhigaal lagu tilmaamo dhigaalka soo gelitaanka Rugta. Qiimaha dhigaalka waxaa xaddidaya Guddiga Maamulka isagoo tixgelinaaya awooddha dhaqaale ee Xubnaha kala duwan ee Rugta.
2. Dhigaalku marna kama yaraan karo Shs. 1.000/= (kun).

Qod. 23aad

Dhigaal sannadeedka

1. Qof kasta ha ahaado shakhsii dabeeeci ah ama qaanuuni ah, oo Xubin ka ah Rugta wuxuu bixinayaa dhigaal sannadeed.
2. Qiimaha dhigaalka waxaa xaddidaya Guddiga Maamulka isagoo tixgelinaaya awooddha dhaqaale ee Xubnaha kala duwan iyo qaybta uu ka tirsan yahay.
3. Dhigaal sannadeedku kama yaraan karo Shs. 300/= (saddexboqol) kamana badnaan karo Shs. 1000 (kun).
4. Go'aannada Guddiga Maamulka oo ku saabsan qiimaha dhigaallada waxaa Xeer ku ansixinaaya Wasiirka Warshadaha iyo Ganacsiga.

Qod. 24aad

Diiwaangelinta

Diiwaangelintu waxaa weeye Shs. 1000 (kun) wixii leh shatiga koowaad iyo kan labaad, wixii ka hoo-seeyana Shs. 300 (saddexboqol).

Qod. 25aad

Bixinta dhigaal sannadeedka

Dhigaal sannadeedku wuxuu waajibayaa lida Jen-

naayo ee sannad kasta waana in la bixiyaa ugu dambeysta dhammaadba bisha Juun ee sannad walba.

Haddii taariikhdaas dib looga dhaco, dhigaalku waa laba jibbaarmayaa.

Qod. 26aad

Kharajka

1. Kharajka Rugta ee lagu fulinayo hawlahay ay u xilsaaray tahay waxaa laga bixinayaa dakhliga soo gala.

2. Waxaa bannaan Rugtu in ay maalgelin ku sameyso lacagteeda.

3. Maalgelinta waxaa shardi u ah oggolaanshaa Wasiirka Warshadaha iyo Ganacsiga.

MADAXA LABAAD

MIISAANIYADDA RUGTA

Qod. 27aad

Diyaarinta Miisaaniyadda

1. Guddiga Maamulka ee Rugtu wuxuu diyaariyaa miisaaniyad koo'beysa dakhliga iyo kharajka saddex bilood ka hor dhammaadka sannad miisaaniyadeedka wuxuuna soo hordhigayaa Golaha Guud si loo oggolaado.

2. Sannad miisaaniyadeedka Rugtu wuxuu bil-laabanayaa 1da Jennaayo wuxuuna dhammaanayaa 31ka Disember ee sannad kasta.

3. Miisaaniyaddu waa in ay ka koobnaataa lacagta lagu fulinayo gudashada xilka Rugta, bixinta kharajyada maamulka iyo dayactirka hantida Rugta.

Qod. 28aad

Isku koobidda Miisaaniyadda

1. Rugta iyo Xubnaha Guddiga Maamulka uma bannaana inay galaan kharaj aan miisaaniyadda lacag loogu qoondeyn ama kharaj ka badan lacagta loo qoondeeyey.

2. Sidoo kale uma bannaana inay isku wareejiyaan madaxyada miisaaniyadda ama inay u isticmaalaan lacagta miisaaniyadda ujeeddo ka duwan middii loogu talo galay.

3. Isku wareejinta Madaxyada Miisaaniyadda waxaa ansixin kara Golaha Guud ee Rugta.

4. Go'aan kasta oo khilaafsan tilmaamaha faqradda hore ee Qodobkan waa wax kama jiraan; soo celinta lacagaha habkaas ku baxay waxaa wadajir ahaan masuul uga noqonaya Xubnaha Rugta ee ka qayb qaatax xad-gudubkaas, waana in ay ku soo ceeliyaan 7 maalmood gudahood laga billaabo marka Wasaaradda Warshadaha iyo Ganacsigu ay soo celinta weydiisato.

Qod. 29aad

Xisaab-xirka

1. Guddiga Maamulku wuxuu diyaarinayaa, saddexda bilood ee ugu horreysa sannad kasta gudahooda, miisaaniyadda xisaab-xirka ee sannadkii la soo dhaafay wuxuuna u gudbinayaa Golaha Guud, isagoo raacinaya warbixin.

2. Golaha Guud, markuu dhegeysto Hantidhowrayasha Rugta, wuxuu oggolaanayaa miisaaniyadda Xisaab-xirka.

3. Miisaaniyadda ku talo galka iyo Xisaab-xirkaba waxaa lagu soo saarayaa Faafinta Rasmiga ah ee

Jamhuurivadda.

MADAXA SADDEXAAD
ILAALINTA HANTIDA

Qodobka 30aad
Guddiga Hantidhowrka

1. Rugtu waxay yeelanaysaa Guddi Hantidhowr oo ka kooban Guddoomiye iyo laba xubnood.

2. Guddiga Hantidhowrka waxaa magacaabaya Golaha Guud ee Rugta isagoo dhegeystay soo jeedinta Guddiga Maamulka.

3) Muddada xilka ee xubnaha Guddiga Hantidhowrka waa laba sano dibna waa loo magacaabi karaa.

4. Jagada ka banaanaata Guddiga Hantidhowrka waxaa buuxinaya inta ka horreysa shirkha Golaha Guud, xubin uu magacaabo Guddiga Maamulka.

5. Xubinta ama xubnaha lagu magacaabay habka ku tilmaaman faqradda hore ee qodibkan waa in laga nasixiyaa Golaha Guud, shirkii ugu soo horreeya. Had-dii magacaabidaas Goluhu uu nasixi waayo, wuxuu magacaabayaa xubin buuxisa jagada bannaan.

Qodobka 31aad

Shuruudaha Xubnaha Guddiga Hantidhowrka

1. Xubnaha Guddiga Hantidhowrku waa in ay ahaydaan aqoonyahanno ku xeeldheer xisaabaadka.

2. Xubnaha Guddiga Hantidhowrka kama mid no-qon karaan Guddiga Maamulka ee Rugta.

Qodobka 32aad

Awoodda Guddiga Hantidhowrka

1. Guddoomiyaha iyo xubnaha kale ee Guddiga Hantidhowrku waxay awood u leeyihiiin, wadajir ahaan iyo mid midba, in ay baaraan diiwaannada xisaabaha Rugta iyo qoraallada kaleba.

2. waxay kaloo awood u leeyihiiin inay weydiist aan caddeyn ta iyo wargelinta ay lagama maarmaan u

3. Sidoo kale waxay hubin karaan hantida Rug.a iyo ballanqaadyadeeda.

4. Guddoomiyaha Guddiga Maamulka ee Rug.a waa in uu u suurta geliyaa Hantidhowrayaasha gudashada xilkooda.

5. Haddii Hantidhowrayaasha loo diido in ay guataan waajibaadka faqradda hore ee qodobkan ku tilm aaman, waa in ay arrintaas ku suaan warbixin loo gubiyo Guddiga Maamulka.

6. Sidoo kale haddii Guddiga Maamulku uu fududeyn waayo hawlgalka Hantidhowrayaasha waa in loo gudbiyaa Wasiirkä Warshadaha iyo Ganacsiga nuqul Warbixinta faqradda hore ee qodobkan ku tilmaa man arrintana loo bandhigaa Golaha Guud ee Rugta.

Qodobka 33aad

Hubinta dhawridda shuruucda

1. Guddoomiyaha Guddiga Maamuļku waa inuu u gudbiyaa Hantidhowrka nuqul ah qoraallada loogu yeerayo Xubnaha Rugta in ay ka soo qayb galaan shir ka Golaha Guud, ugu yaraan 15 maalmood ka hor maa-linta shirka.

2. Hantidhorku waa in uu ka soo qayb galaa shir ka Golaha Guud, hubiyaana waafaqsanaanta sharciga habka loo maray isugu yeeridda Golaha Guud, kana dhiibaa Golaha hortiisa wixii ra'yi ah ee la xiriira hawlahooda.

Qodobka 34aad

Warbixinno kala duwan

Haddii Xubnaha Guddiga Hantidhowrku ay isku khilaafaan warbixinadooda la hor dhigayo Golaha Guud, Hantidhowre kasta wuxuu diyaarinayaa warbixin u gaar ah, warbixinnaada oo idilna waxaa laga hor akhri nayaa shirka Golaha Guud.

Qodobka 35aad

Masuuliyadda Hantidhowrayaasha

Hantidhowrayasha si wadajir ah ayay masuul uga yihiin magdhowga khasaaraha Rugta kala soo gudboonaada gefka ka dhacay Hantidhowrayasha ee la xiriira gudashada xilkooda.

XUBINTA AFRAAD
ILAALINTA SARE

Qodobka 36aad
Awoodda Wasiirka

1. Wasiirka Warshadaha iyo Ganacsigu wuxuu ku leeyahay Rugta awood ilaaljin iyo toosin ah.
2. Wuxuu kaloo ku leeyahay awoodaha ku tilmaa man Sharcigan.

Qodobka 37aad
Wakiilka Wasiirka

1. Xoghayaha Joogtada ah ee rugtu, isagoo ka wakiil ah wasiirka warshadaha iyo ganacsiga, wuxuu masuul ka yahay fulinta iyo dhowridda shuruucda iyo xee rarka Dalka.
2. Xadgudubyada Xoghayaha Joogtada ah uu ku arko Maamulka Rugta wuxuu u gudbinayaa Wasiirka si loo saxo.

XUBINTA SHANAAD
AXKAAN GUUD

Qodobka 38aad
Hoggaamin ku meel gaar ah

1. Ilaa iyo inta laga dooranayo Guddiga Maamulka ee ku tilmaaman sharcigan, qodobkiisa 10aad, haw laha Rugta waxaa hoggaaminaya Guddi ka kooban Gud doomiye, Guddoomiye ku xigeen iyo saddex xubnood ee uu magacaabo Madaxweynaha J.D.S. Isagoo dhegeys tay soo jeedinta Wasiirka Warshadaha iyo Ganacsiga.
2. Xubnaha faqradda kore ku tilmaaman waxaa laga dhex xulayaa xubnaha Rugta.
3. Guddiga waxaa xoghaye u noqonaya xoghaya ha joogtada ah ee Rugta
4. Guddigu waxa uu qabanayaa xilalka golaha Guud iyo kuwa Guddiga Maamulka.

5. Sidoo kale Guddoomiyuhu wuxuu qabanayaan xilalka Guddoomiyaha Guddiga Maamulka ee sharci gan ku tilmaaman.

Qodobka 39aad
Xeerka Rugta

Madaxweynaha J.D.S. Isagoo arkay soo jeedinta Wasiirka Warshadaha iyo Ganacsiga, dhegeystayna go laha Wasiirrada, wuxuu soo saarayaa Xeer hoosaad dhammeystiraya sharcigan, gaar ahaanna tilmaamaya

a) Habka loo marayo doorashada Xubnaha Guddiga Maamulka, nidaamka duridda qaabka ama natijja da doorashada, ka dhicididda ama ka saaridda xubinni mada iyo baabi'inta doorashada.

b) Dhismaha Guddiyada dhexdhexaadinta iyo tilmaamidda awoodda iyo qaabka hawlgalkooda.

c) Qaabka dhismaha iyo hawlaha ururrada ganacsiga, warshadaha, xoolaha, kalluumeysiga & farsha/ka.

Qodobka 40aad
Aqoonsi

Xubnaha Guddiyada iyo Shaqaalaha Rugta waxaa loo aqoonsanayaa, marka ay arrintu taagan tahay shuruucda ciqaabta Saraakiil guud, hantida Rugtana waxaa loo aqoonsanayaa hanti guud.

Qodobka 41aad
Burin

Waxaa la biriyeey sharci lambar 38 ee 30.7.70 Bedde laadyadii ka dambeeyey iyo sharci iyo xeer kasta ee ka soo horjeeda ama aan la socon karin sharcigan.

Qodobka 42aad
Dhaqangal

Sharcigan wuxuu dhaqan gelayaa 15 maalmood kaddib marka lagu soo saaro faafinta rasmiga ah ee Jamhuuriyadda.

Muqdisho, 2 Nov. 198g

MADAXWEYNAHA J.D.S.
Maxamed Siyaad Barre

QAYETA

LABAAD

XEaaR MADAXWEYNAHA J.D.S. L. 39 ee 20 Seb. 1985
Garand Stella oo Lagu Maamusay S.E. On. Bettino Cra-
xi Guddoomiyaha Golaha Wasiiradaha ee Dawladda
Talyaaniga

MADAXWEYNAHA JDS

MARKUU ARKAY: Qodobka 82aad ee Dastuurka JDS

MARKUU ARKAY: Sharciga lam. 65aad ee 19ka Ok-
toobar 1970 ee Abaalmarinta

MARKUU TIXGELIYEEY: Qoraallada iyo warbixinta
Wasaaradda Arrimaha Dibedda.

MARKUU TIXGELIYEEY: Kaalinta weyn uu ka geys
tay adkeynta iyo sii xoojinta xiriirkha labada wad
dan Soomaaliya iyo Talyaaniga.

MARKUU TIXGELIYEEY: Inay lagama maarmaan
tahay in dadka ku shaqeeeyey niyad Sami, iskaashi
iyo horumarin labada Umadood la guddoonsiyo
aqoonsiga uu ka mudanyahay ummadda Soomaali
yeed iyo dawladeedaba, loogana reebo raad wax
ku ool ah.

MARKUU TI XGELIYEEY: Talada Guddiga Abaalma-
rinta M.J.D.S.

WUXUU SOO SAARAY
Qodobka Kelliya

Xeerka Soo Socda:

Waxaa jagu maamusay Billadda (Cavaliere di Gra-
nd Stella) ee Xiddiga Soomaaliya S.E. On. Bettino Cra-
xi, Guddoomiyaha Golaha Wasaaradaha Dawladda Ta-
lyaaniga.

Xeerkan wuxuu dhaqan gelayaa markuu Madaxwe
ynuhu J.D.S. Soo saxiixo.

Muqdisho, 20.9.1985.

MADAXWEYNAHA J.D.S.
S/Gaas Maxamed Siyaad Barre

XEER MADAXWEYNAHA J.D.S. L. 40 ee 9 Nof.
1985 Billad Qalin ah oo Waddaninnimo oo lagu Maamu
say L/X/le Cusmaan Yuusuf Xaaji

MADAXWEYNAHA JDS

MARKUU ARKAY: Qod. 82aad ee Dastuurka J.D.S.

MARKUU ARKAY: Sharciga lam. 65aad ee 19 Okto.
1970 ee Abaalmarinta

MARKUU TIXGELIYEY: Qoraallada iyo warbixinta
Taliyaha Nabab sugidda Soomaaliyeed.

MARKUU TIXGELIYEY: Sida Waddaninimada, Ka-
caanimada, Geesinimada iyo Biseyl Siyaasadeed uu
muujiyey intii uu ka shaqeynayey Taliska Nssta la
guna xiray Jigjiga muddo dhan 11 sano halisna u
noqday dil toogasho ah, J/le L/X/le Cusmaan Yuu
suf Xaaji.

MARKUU TIXGELIYEY: Inay lagama maarmaan ta
hay in dadka ku shaqeeeyey niyad sami, waddanini
mo, geesinimo iyo isagoo si hagar laanta ah u soo
gutay waajibaadkii ka saarnaa waddankiisa la gud
doonsiyo aqoonsiga uu ka mudanyahay ummadda
Soomaaliyeed, looguna reebo raad wax ku ool ah.

MARKUU TIXGELIYEY: Talada Guddiga Abaalma
rinta M.J.D.S.

WUXUU SOO SAARAYA

QODOBKA KELIYA

XEERKA SOO SOCDA:

Waxaa lagu maamusay Billad Qalin ah oo Wadani
nimo J/le L/X/le Cusmaan Yuusuf Xaaji oo ka tirsan
NSSTA.

Xeerkana wuxuu dhaqan gelayaa markuu Madaxwe
ynuhu J.D.S. soo saxiixo.

Muqdisho, 9.11.85

MADAXWEYNAHA J.D.S.
S/Gaas Maxamed Siyaad Barre

XEER MADAXWEYNAHA JDS, L. 41 ee 14 Nof. 1985
Magacaabid Guddiga Ku-Meel gaarka ee Rugta Ga-nacsiga.

MADAXWEYNAHA JDS

ISAGOO ARKAY: Qod. 82aad ee Dastuurka JDS;

ISAGOO ARKAY: Sharciga dib loogu habeeyey Rugta Ganacsiga;

ISAGOO TIXGELIYAY: Baahida loo qabo in la maga-caabo Guddi ku-meel gaar ah ee Rugta Ganacsiga;

WUXUU SOO SAARAYAA

Xeerka soo socda:

Qod. 1aad

Waxaa la magacaabay Guddi ku-meel gaar ah ee Rugta Ganacsiga, kana kooban xubnaha soo socda:-

1. Maxamed Ibraahim Cigaal — GUDDOOMIYE
2. Cusmaan Axmed Rooble — Guddoomiye ku-xigeen
3. Maxamuud Maxamed Khaawi — Xubin
4. Maxamuud Khaliif Shire — Xubin
5. Jacfar Maxamed Badar — Xubin

Qod. 2aad

Dekreetadani waxay dhaqan gelaysaa marka uu saxiixo Madaxweynaha JDS, waxaan lagu soo saara-yaa Faafinta Rasmiga ah ee Dawladda.

Muqdisho, 14 Nof. 1985

MADAXWEYNAHA JDS
(S/Gaas Maxamed Siyaad Barre)

MAXKAMALDA GOBOLKA BANAADIP

QAYBTA MADANIGA

GARSOORAH A MGB

HADDUU ARKAY: Codsiga dusha ku qoran;

HADDUU TIXGELIYAY: In uu dnumay Jeeg Wareega Lam. 535546 lagana sameeyay Bangiga Ganacsiga iyo Kaydka Soomaaliyeed Laanta Burco kuna jirto lacag dhan Sh.So. 20.000/= kuna qoran magaca Cabdullaahi Aadan Xayle sida ku cad warqadda Lam. 009546 taariikh 4.11.85 kana soo baxday Bangiga Ganacsiga iyo Kaydka Laanta Xis-Guud;

HADDUU ARKAY: Qod. 69 sharciga L. 2 ee 9.9.1962.

WUXUU XEERIYAY

In la qimo tiro lana baabi'yo (Ammortamento) Jeegga Lam. 535546 lagana sameeyay Laanta Burco ee Bangiga Ganacsiga iyo Kaydka Soomaaliyeed ayna ku jirto lacag dhan Sh.So. 20.000/= kuna qoran magaca Cabdullaahi Aadan Xayle.

WAXAA LA AMRAYAA

Laanta Burco ee Bangiga Ganacsiga iyo Kaydka Soomaaliyeed in uu siiyo Jaalle Maxamuud Axmed Xasan lacagta cadadkeedu yahay Sh.So. 20.000/= ee ku qornayd Jeegga kor ku tilmaaman markay ka sco waareegto muddo aan ka yarayn 15 maalmood laga bilaabo marka go'aanka lagu daabaco Faafinta Rasmiga ah ee JDS, haddii inta ka horaysa aan wax ishortaag ah laga keenin.

Muqdisho, 5.11.85

GUDDOONIYAH A MGB
Dr. Ca'bduuahi Maxamed Maax

— 750 —

MAXKAMADDA GONOLKA BAY BAYDHABO

Guddoomiyaha Max. G. Bay ee Baydhabo

HADDUU ARKAY: Arjiga cusiga ah ee ay soo qoray Jaalle Cambaro Cismaan Axmed;

HADDUU ARKAY: Waxay ku saabsan tahay iyo Ogeysiiska Bangiga Ganaesiga Laanta Baydhabo;

HADDUU ARKAY: Qod. 69 D.T. 19.65, N. 2 Lumidda Buugga Lam. 4607, kuna qornayo 7.000/= (Toddo-ba Kun Shillin Soomaali).

WUXUU SOO SAARAY SIDAAN:-

In loo cusboonaysiyo Buuggaas ka dib markii ay ka soo wareegto 15 cisho, maalinta Dekereetada lagu shaaciyo Faafinta Rasm ga ah ee Dawladda.

HADDABA WAXAA LA CODSANAYAA

In Buugga cusub ee loo sameyn doono gacanta laga saaro Jaalle Cambaro Cismaan Axmed, iyadoo la cusanayo muddo 15 Shan iyo Toban maalmood.

Baydhabo, 12.9.85

Guddoomiyaha Max. G. Bay ee Baydhabo
Sheekh Xuseen Macallin Aadan

Maxkamadda Gobolka Togdheer Burco

Ku: Xafiiska Faafinta Rasmiga ah ee D/Xamar.

UJ: Baafin Jeegaga Lumay

Guddoomiyaha Maxkamadda Gob. Togdheer Bureau

HADDUU ARKAY: Dacwadda ku saabsan Baalin J. War ee Lumay

HADDUU ARKAY: Ogaysiinta Bankiga Ganacsiga & Keydka L. Burco Tr. 7.1185

HADDUU ARKAY: Qod. 69,65, Lumid Jeegaga War. Ee Lambar yahay:

1— 0180522 ee 20.8.85 Sh.Si. 21.000 kuna qoran Nuur Axmed Maxamed.

2— 0199080 ee 15.10.85 Sh.So. 50.000 kuna qoran Maxamed Cali Jaamac.

3— 0033255 ee 18.5.85 Sh.So. 30.000 kuna qoran Saciid Cilmi Yuusuf

4— 0198631 ee 9.10.85 Sh.So. 25.000 kuna qoran Cismaan Qaasim Qodax

5— 536773 ee 26.9.85 Sh.So. 20.000 kuna qoran Cabdi Axmed X. Maxamed.

WUXUU AMRAYAA

In loo Cusboonaysiiyo Jeegaga War. J/le Cumar Buraale Axmed ee Lambaradoodu kor ku xusan yihiin Markii ay ka soo waqeegto 20 Casho lagana shaaciyo X. Faafinta Rasmiga ah ee Dawladda.

Waxaa Lagaa Codsanaya

In Jeegaga Cusub ee la sameyndoono Gacanta laga Saaro J/le Cumar Buraale Axmed iyadoo la Sugayo Muddada kor ku Xusan.

Kaaliyaha Maxkamadda G/Togdheer Burco
Jaamac Cabdullaahi Bille

Guddoomiyaha Maxkamadda Gob. Togdheer Burco
Dr. Abuukar Islaw Cumar

MAXKAMADDA GOBOLKA BANAADIR
QAYBTA MADANIGA

HADDUU ARKAY: Codsiga Dusha Ku Qoran:

HADDUU TIXGELIYEY: In uu dhumay J. War. Lam. B0141310 lagana sameeyey Bankiga Ganacsiga iyo Keydka Soomaaliyeed Laanta Garoowe kuna jirto Lacag dhan Sh.So. 50.000 kuna qaran magaca Xaliima Maxamed Cali sida ku iad warqadda Lambar 09963 Tr. 19.11.85 kana soo baxday Bankiga Ganacsiga iyo Keydka Soomaaliyeed Laanta Xis-Guud.

HADDUU ARKAY: Qod. 69 Sharciga L. 2 ee 9.9.1962.

WUXUU XEERIYEY

In la Qiimo tiro lana baabi'yo (Ammortamento) Jeegga Lam. B0141310 lagana sameeyey Laanta Garowe ee Bankiga Ganacsiga iyo Keydka Soomaaliyeed ayna ku jirto Lacag dhan Sh.So. 50.000.—

MAXAA LA AMRAYAA

Laanta Garoowe ee Bankiga Ganacsiga iyo Keydka Soomaaliyeed in uu siyo J/le Xaliima Maxamed Cali Lacagta Cadadkeedu yahay Sh.So. 50.000 ee ku qornayd Jeegaga kor ku tilmaaman markay ka soo wareegto Muddo aan ka yarayn 15 Maal mood laga bilaabo marka Go'aanka lagu daabaco Faafinta Rasmiga ah ee J.D.S. Haddii inta ka horaysa aan wax is hortag ah la keenin.

Muqdisho, 19.11.84

GUDDOONIYAH MAXKAMADDA GOB. BANAADIR
Dr. Cabdullaahi Maxamed Maax

MAXKAMADDA GOBOLKA BANAADIR
QAYBTA MADANIGA

HADDUU ARKAY: Codsiga Dusha Ku Qoran:

HADDUU TIXGELIYEY: In uu dhumay J. War. Lam. 684557 lagana sameeyey Bankiga Ganacsiga iyo Keydka Soomaaliyeed Laanta Garoowe kuna jirto Lacag dhan Sh,So, 20.000 kuna qoran magaca Xalima Maxamed Cali sida ku cad warqadda Lambar Tr. 19.11.85 kana soo baxday Bankiga Ganacsiga & Keydka Soomaaliyeed Laanta Xis-Guud.

HADDUU ARKAY: Qod. 69 Sharciga L. 2 ee 09.1962.

WUXUU XEERIYEY

In la Qiimo tiro lana baabi'yo (Ammortamento) Jeegga Lam. 684557 lagana sameeyey Laanta Garoowe ee Bankiga Ganacsiga iyo Keydka Soomaaliyeed ayna ku jirto Lacag dhan Sh,So, 20.000.—

MAXAA LA AMRAYAA

Laanta Garoowe ec Bankiga Ganacsiga iyo Keydka Soomaaliyeed in uu siiyo J/le Xalima Maxamed Cali Lacagta Cadadkeedu yahay Sh,So, 20.000 ee ku qornayd Jeegaga kor ku tilmaaman markay ka sco wareegto Muddo aan ka yarayn 15 Maalmood laga bilaabo marka Go'aanka lagu daabaco Faafinta Rasmiga ah ee J.D.S. Haddii inta ka horaysa aan wax is hortag ah la keenin.

Muqdisho, 19.11.85

GUDDOOMIYAH MAXKAMADDA GOB. BANAADIR
Dr. Cabdullaahi Maxamed Maax

MAXKAMADDA GOBOLKA BANAADIR

HADDUU ARKAY: Codsiga Dusha Ku Qoran:

HADDUU TIXGELIYEY: In uu dhumay Buug Kayd Lam. 22367 lagana sameeyey Bankiga Ganacsiga iyo Keydka Soomaaliyeed Laanta Xarunta kuna jirto Lacag dhan Sh.So. 22-758 kuna qoran magaca Xasan Cali Faarax sida ku cad warqadda Lambar 004882 Tr. 20.11.85 kana soo baxday Bankiga Ganacsiga iyo Keydka Soomaaliyeed Xarunta.

HADDUU ARKAY: Qod. 69 Sharciga L. 2 ee 29.1962.

WUXUU XEERIYEY

In la Qiimo tiro lana baabi'yo (Ammortamento) Buug Keyd Lam. 22367 lagana sameeyey Laanta Xarunta ee Bankiga Ganacsiga iyo Keydka Soomaaliyeed, ayna ku jirto Lacag dhan Sh.So. 22-758/3, kuna qoran magaca Xasan Cali Faarax.

WAXAA LA FASAXAYAA

Laanta Xarunta ee Bankiga Ganacsiga iyo Keydka Soomaaliyeed in ay siiso J/le Xasan Cali Faarax Lacag ta Cadadkeedu yahay Sh.So. 22-758/3 ee ku qornayd Buuga Kaydka ee aan kor ku soo sheegnay markay ka soo Wareegto muuddo aan ka yarayn 30 maalmood laga bi laabo maalinta Go'aanka lagu daabaco Faafinta Rasmiga ah ee J.D.S. Haddii inta ka horaysa aan wax is hortaa ahлага keenin.—

Muqdisho. 21.11.85

GUDDOOMIYAH A MAXKAMADDA GOB. BANAADIR
Dr. Cabdullaahi Maxamed Maax

L. 489

MAXKAMADDA G. W/GALBEED HARGEYSA

Ujeeddo: Decereeto Cusboonaysiin Jeegga Wareega ee lumay lambar yahay 400779 ee taariikhdiisu tahay 22.2.84 Lacagtiisuna dhan tahay 20,000/= Shillin uuna leeyahay Yuusuf Ismaaciil Axmed, kuna qoraa Caasha Maxamed Cawad.

Guddoomiyaha Max. G. W/Galbeed ee Hargeysa

MARKUU ARKAY: Arjiga uu soo qortay Yuusuf Ismaaciil Axmed, kuna codsanaayey in loo cusboonaysiyo Jeegga Wareega Lambarkiisu yahay kan kor ku xusan;

MARKUU ARKAY: Caddaynta Bangiga Ganacsiga iyo Kaydka Laanta Hargeysa, kuna taariikheysan 6.5.84 lagu caddeeyey in laga sameeyey Jeeggaas Bangiga Ganacsiga iyo Kaydka Laanta Burco, uuna lumay lagana faafiyey Laanta Bangiga Hargeysa;

MARKUU ARKAY: Qod. 69-70 ee X.L.Y. 2 ee soo babay 9.9.1965.

WUXUU GO'AAMIYEEY

In la kansal gareeyo Jeeggii lumay loona cusboonaysiyo Jaallaha magaciisa la yiraahdo Yuusuf Ismaaciil Axmed, cusboonaysiintana gacanta aga saaro Jaallahaas kor ku qoran ama ciddii awood ka haysata muddo 15 maalmood gudahood ah kaddib maalinta Go'aanka laga soo saaro Faafinta Rasmiga ah Laanta Madaxtooyada J. D. Soomaaliya.

WAXAA LA FARAYAA

Bangiga Ganacsiga iyo Kaydka Laanta Hargeysa, in lagu dhejiyo Nuqulka Go'aankan Bangiga Irdihiisa si ciddii haysataa Jeeggaasi lumay ee kor lagu kansal gareeyey uga soo qortaan cabasho haddii ay doonaan. Hargeysa, 25.8.1984

Guddoomiyaha Max. G. W/Galbeed Hargeysa
(Ibraahim Faarax Maxamed)

Kaaliyaha Max. G. W/Galbeed Hargeysa
(Maxamuud Jaamac Cigaal)

MAXKAMADDA GOBOLKA BANAADIR

QAYBTA MADANIGA

HADDUU ARKAY: CODSIGA DUSHA KU QORAN:

HADDUU TIXGELIYEEY: In uu dhumay Jeeg War.

Lam. 634153 lagana sameeyey Bankiga Ganacsiga& Keydka Soomaaliyeed Laanta H/Geysa kuna jirtay Lacag dhan Sh.So, 10.000.00 kuna qoran magaca Xaawo Askar Cige sida ku cad warqadda Lambar 10161 Tr. 24.11.85 kana soo baxday Bankiga Ganacsiga iyo keydka Soomaaliyeed Laanta H/Geysa.

HADDUU ARKAY: Qod. 69 sharciga L. 2 ee 9.9.1962.

WUXUU XEERIYEEY

In la qiimo tiro lana baabiiyo (Ammortamento) Jeegga Lam. 634153 lagana sameeyey Laanta H/Geysa ee Bankiga Ganacsiga iyo Keydka Soomaaliyeed ayna ku jirto Lacag dhan Sh.So, 10.000.00

WAXAA LA AMRAYAA

Laanta H/Geysa ee Bankiga Ganacsiga iyo Kaydka Soomaaliyeed in uu siiyo J/le Xaawo Askar Cige Lacag ta Cadadkeedu yahay Sh.So, 10.000.00 ee ku qornayd Jeegga kor ku tilmaaman markay ka soo wareegto mu do aan ka yarayn 15 maa mood laga bilaabo marka Go'aanka lagu daabaco Faafinta Rasmiga ah ee J.D.S. Had dii inta ka horaysa aan wax is hortaag ah laga keenin.

Muqdisho, 26.11.85

GUDDOONIYAH MAXKAMADDA GOB. BANAADIR
Dr. Cabdullaahi Maxamed Maax

MAXKAMADDA G. TOGDHEER BURCO

UJ:- Baafin Jeeg. War. ee Lam. 0093745

GUDDOOMIYAH MAX. G. TOGDHEER BURCO

HADDUU ARKAY: Dacwada ku saabsan Baafin Jeegga Wareega ee Lumay;

HADDUU ARKAY: Ogaysiinta Bangiga Ganacsiga iyo Kaydka Laanta Burco, ee taariikh 9.11.85;

HADDUU ARKAY: Qod. 69, 65, -(Lumid Jeegga Wareega ee Lam. 0093745, kuna qoran tahay Sh. £0. 25.000/=, kuna qoran Axmed Maxamuud Nuur lagana sameeyey Laanta Saddexaad ee Muqdisho taariikh 1.10.85.

WUXUU AMRAYAA

In loo cusubonaysiyo Jeeggaas Wareega ee Lam. yahay 0093745 taariikh 1.10.85 lagana sameeyey Laanta Saddexaad Muqdisho Jaalle Axmed Maxamuud Nuur markii ay ka soo wareegto muddo 20 casho ah laguna shaaciyo X. Faafinta Rasmiga ah ee Dawladda.

WAXAA LAGA CODSANAYAA

In Jeegga cusub ee la samayn doono gacanta laga saaro J.le Axmed Maxamuud Nuur iyadoo la sugaayo muddada kor ku xusan.

BURCO, 9.11.1985

Guddoomiyaha Max. G. Togdheer Burco
(Dr. Abuukar Islaw Cumar)

Kaaliyaha Max. G. Togdheer Burco ,
(Jaamac C. Bile)

Maxkamadda Gobolka W/Galbeed Hargeysa
TIRS MG/22,85 Taariikhda 14.11.85

Ujeeddo: Dikreeto Cusboonaysiin Jeegga Wareega Lambar yahay 0186921 ee Lacagtiisuna dhan tahay 49,650 lana sameeyey 7,9,85 kuna qoran Axmed Xuseen Jaamac.

MARKUU ARKAY: Arjiga uu soo qortay Cabdi Maxa muud Jibriil, kuna taariikhaysan 6,11,85 kuna Cod-sanaayo in loo Cusboonaysiyo Jeegga War. ee Lam barkiisu kor ku qoran yahay.

MARKUU ARKAY: Cadaynta Bankiga Ganacsiga Laanta Hargeysa Lambar yahay 1579 kuna taariikhaysan 9,11,85 laguna soo cadeeyey in laga sameeyey Bankiga Ganacsiga iyo Keydka Soomaaliyeed Laanta Hargeysa, uuna lumay lagana Baafiyey Laanta Hargeysa, iyadoo Jeegaasu ku qornaa Axmed Xuseen Jaamac.

MARKUU ARKAY: Qod. 69-70 ee Xeerka Lambarkii-su yahay 2 ee soo 'baxay 9,9,65kii.

Wuxuu Go'aamiyey in la kansal gareeyo Jeega War ee lumay Lambarkii-su yahay 0186921. Taariikhdiisu tahay 7,9,85 loona Cusboonaysiyo J/leha Magaciisu yahay Cabdi Maxamuud Jibriil. Cusboonaysiinta Gacanta laga saaro J/leha magaciisu sare ku qoran yahay ama Ciddii awood ka haysata muddo 15 maalmood Gu-dahood ah, ka dib maalinta Go'aanka laga soo saaro Faafinta Rasmiga ah ee Laanta Madaxtooyada J.D.S.

Waxaa la faraya Maamulaha Bankiga Ganacsiga iyo Keydka Laanta Hargeysa in lagu dhejiyo Nuqulka Go'aanka Bankiga Iridkiisa si Ciddii haysata Jeegaas Lumay ee kor lagu kansal gareeyey uga soo qortaan Cabasho haddii ay doonaan.

Maxamuud Jaamac Cigaal

Kaaliyaha Maxkamadda Gobolka W. G. ee Hargeysa

MAXKAMADDA GOB. SANAAG C/GAABO

MGS/106-327.85

CEERAGAABO.

Ujeeddo: Bedelaad Jeeg Wareega Lr. 417175

MARKUU ARKAY: Dacwadda kor ku xusan.

MARKUU ARKAY: In Jeega Lumay oo lambaakiisu yahay 417175 ee Tr. 119.5.85 kana soo baxday Bankiga Ganacsiga iyo Keydka Soomaaliyeed Laanta Burco, ee Gobolka Togdheer kuna qoran tahay Lacag dhan 10.000 ayna leedahay J/le Khadiija Axmed Faarax.

Sida ku cad Xaashida Lambarkeedu yahay 000293 ee 1.9.85 kana soo baxday Bankiga Ganacsiga iyo Keydka Laanta Ceerigaabo.

MARKII UU ARKAY: Qod. 69 ee taariikh 29.9.55.

WUXUU XEERAYAA SIDAN.

In la baabi'yo (Ammortamento) Jeega Lam. 417175 laguna qoray magaca J/le Khadiijo Axmed Faarax ayna ku taal Lacag dhan 10.000 waxaa la Ogolaaday in Bankiga Ganacsiga iyo Keydka Laanta Burco u bedesho J/le Khadiijo Axmed Faafax Jeega kor ku qoran una sameeyso mid la mid ah, markii ay ka soo wareegto muddo aan ka yarayn shan iyo tobon maalmood 15 Go'aanka lagu daabaco Faafinta Rasmiga ah ee J.D.S.

Ceergaabo 1. 10. 1985

GUDDOOMIYAH A MAXKAMADDA GOB. SANAAG

Dr. Maxamuud Maxamed Ismaaciil

MAXKAMADDA GOBOLKA TOGDHEER BURCO
MGT.182/85 Burco 12.11.85
Ku: Xafiiska Faafinta Rasmiga ah ee Dawladda X/ar
Uj: Baafin J/W. Lam. 0180880
HADDUU ARKAY: Codsiga ku saabsan Baafin J/W.
ee Lumay.
HADDUU ARKAY: Ogaysiinta Bankiga Ganacsiga &
Keydka Laanta Burco ee Tr. 31.10.85
HADDUU ARKAY: Qod. 69,65, Lumid Jeega Wareega
ee Lam. 0180880 ee 24,8,85 kuna jirtay sh.so. 27,000
kuna qoraa Cabdullaahi Cali Dirir Lagana sameeyey
Laanta Burco.

WUXUU AMRAYAA

In loo Cusboonaysiiyo Jeegaas War. Ee Lam. 0180880
Tr. 24,8,85 lagana sameeyey Laanta Burco J/le Cabdul
laahi Cali Dirir Markii ay ka soo wareegto 20 Casho
Laguna Shaaciyo X. Faafinta Rasmiga ah ee Dawladda

Waxaa Laga Codsanayaa

In Jeega Cusub ee la sameeyndoono Gacanta laga
Saaro J/le Cabdullaahi Cali Dirir iyadoo la sugayo mu
dada kor ku Xusan.

Kaaliyaha Maxkamadda Gobolka Togdheer Burco.
Jaamac Cabdullaahi Bille

Maxkamadda Gobolka Togdheer Burco
Dr. Abuukar Islaw Cumar

MAXKAMADDA GOBOLKA BANAADIR

— QAYBTA MADANIGA —

GARSOORAH MGB

HADDUU ARKAY: Codsiga dusha ku qoran;

HADDUU TIXGELIYAY: In uu dhumay Jeeg Wareegga Lam. 0181283 lagana sameeyay Bangiga Ganacsiga iyo Kaydka Soomaaliyeed Laanta Burco, kuna jirto lacag dhan Sh.So. 50.000/= kuna qoran magaca Faadumo Faarax Jaamac sida ku cad warqadda Lam. — taariikh 13.11.85 kana soo baxday Bangiga Ganacsiga iyo Kaydka Soomaaliyeed Laanta Xis-Guud;

HADDUU ARKAY: Qod. 69 sharciga L. 2 ee 9.9.1962.

WUXUU XEERIYAY

In la qiimo tiro lana baabi'iyo (Ammortamento) Jeegga Lam. 0181283 lagana sameeyay Laanta Burco ee Bangiga Ganacsiga iyo Kaydka Soomaaliyeed ayna ku jirto lacag dhan Sh.So. 50.000/= kuna qoran magaca Faadumo Faarax Jaamac.

WAXAA LA AMRAYAA

Laanta Burco ee Bangiga Ganacsiga iyo Kaydka Soomaaliyeed in uu siiyo Jaalle Faadumo Faarax Jaamac lacagta cadadkeedu yahay Sh.So. 50.000/= ee ku qornayd Jeegga kor ku tilmaaman markay ka soo waareegto muddo aan ka yarayn 15 maalmood laga 'bilaa-bo marka go'aanka lagu daabaco Faafinta Rasmiga ah ee JDS, haddii inta ka horaysa aan wax ishortaag ah laga keenin.

MuqdisNo. 14.11.85

GUDDOOMIYAH MGB
Dr. Cabdullaahi Maxamed Maax

MAXKAMADDA GOBOLKA BANAADIR

— QAYBTA MADANIGA —

GARSOORAH A MGB

HADDUU ARKAY: Codsiga dusha ku qoran;

HADDUU TIXGELIYAY: In uu dhumay Jeeg Wareega Lam. 0663415 lagana sameeyay Bangiga Ganacsiga iyo Kaydka Soomaaliyeed Laanta Burco, kuna jirto lacag dhan Sh.So. 5.000/= kuna qoran magaca Faadumo Faarax Jaamac sida ku cad warqadda Lam. — taariikh 13.11.85 kana soo baxday Bangiga Ganacsiga iyo Kaydka Soomaaliyeed Laanta Xis-Guud;

HADDUU ARKAY: Qod. 69 sharciga L. 2 ee 9.9.1962.

WUXUU XEERIYAY

In la qiimo tiro lana baabi'yo (Ammortamento) Jeegga Lam. 0663415 lagana sameeyay Laanta Burco, ee Bangiga Ganacsiga iyo Kaydka Soomaaliyeed ayna ku jirto lacag dhan Sh.So. 5.000/= kuna qoran magaca Faadumo Faarax Jaamac.

WAXAA LA AMRAYAA

Laanta Burco ee Bangiga Ganacsiga iyo Kaydka Soomaaliyeed in uu siiyo Jaalle Faadumo Faarax Jaamac lacagta cadadkeedu yahay Sh.So. 5.000/= ee ku qornayd Jeegga kor ku tilmaaman markay ka soo waareegto muddo aan ka yarayn 15 maalmood laga 'bilaaboo marka go'aanka lagu daabaco Faafinta Rasmiga ah ee JDS, haddii inta ka horaysa aan wax ishortaag ah laga keenin.

Muqdisho, 14.11.85

GUDDOOMIYAH A MGB
Dr. Cabdullaahi Maxamed Maax

MAXKAMADDA GOBOLKA BANAADIR

QAYBTA MADANIGA

GARSOORAH MGB

HADDUU ARKAY: Codsiga dusha ku qoran;

HADDUU TIXGELIYAY: In uu dhumay Buug Kayd Lam. 16726 lagana sameeyay Bangiga Ganacsiga iyo Kaydka Soomaaliyeed Laanta Saddexaad kuna jirto lacag dhan Sh.So. 520.000.00/= kuna qoran magaca Xasan Maxamed Siyaad sida ku cad war-qadda Lam. 715 taariikh 30.11.85, kana soo baxday Bangiga Ganacsiga iyo Kaydka Soomaaliyeed Laanta Saddexaad;

HADDUU ARKAY: Qod. 69 sharciga L. 2 ee 9.9.1962.

WUXUU XEERIYAY

In la qiimo tiro lana baabi'yo (Ammortamento) Buug Kayd Lam. 16726 lagana sameeyay Laanta Saddexaad ee Bangiga Ganacsiga iyo Kaydka Soomaaliyeed ayna ku jirto lacag dhan Sh.So. 520.000.00/=, kuna qoran magaca Xasan Maxamed Siyaad.

WAXAA LA FASAXAYAA

Laanta Saddexaad ee Bangiga Ganacsiga iyo Kaydka Soomaaliyeed in ay siiso Jaalle Xasan Maxamed Siyaad lacagta cadadkeedu yahay Sh.So. 520.000.00/= ee ku qoran Buugga Kaydka ee aan kor ku soo tilmaanay, markay ka soo wareegto muddo aan ka yarayn 30 maalmood laga bilaabo maalinta lagu daabaco Faafinta Rasmiga ah ee JDS, haddii inta ka horaysa aan wax ishortaag ah laga keenin.

Muqdisho, 30.11.85

GUDDOOMIYAH MGB
Dr. Cabdullaahi Maxamed Maax

MAXKAMADDA GOBOLKA TOGDHEER

Ujeeddo:- Baafin Jeegga War. ee Lam. 0034159

(Garsooraha Maxkamadda G. Togdheer Burco)

HADDUU ARKAY: Dacwadda ku saabsan Baafin Jeeg. War. Lam. 0034159 ee Lumay;

HADDUU ARKAY: Ogeysiinta Bangiga Ganacsiga iyo Kaydka Laanta Burco;

HADDUU ARKAY: Qod. 69-65-Lumid Jeegga Wareega Lam. yahay 0034159 kuna qorneyd Sh.So. 50.000/= kuna qoran yahay Maxamed Cabdi Caateeye iagna sameeyey Laanta Berbera taariikh bishii Labaad ee Febrayo 85.

WUXUU AMRAYAA

In loo Cusboonaysiyo Jeeggaas kor ku xusan Jaalle Maxamed Cabdi Caateeye markii ay ka soo wareegto muddo (20) casho ah laguna shaaciyo Xafiiska Faafinta Rasmiga ah ee Dawladda.

WAXAA LAGA CODSANAYAA

In Jeeggaas cusub ee la sameyn doono gacanta laga saaro Jaalle Maxamed Cabdi Caateeye iyadoo la sugayo muddada kor ku xusan.

BURCO, 22.8.1985

Garsooraha Max. G. Togdheer Burco
(Maxamed Xaaaji Cabdulqaadir)

Kaaliyaha Max. G. Togdheer Burco
(X. X. Sugulle)